

袁文選公文集



裴文達公文集卷之三

奉

勅撰錢錄謹序



等謹按歷代錢文前世纂述如顧烜封演姚元洋張台陶岳金光龔李孝美諸人所著只散見於載籍久無專書董道譜則缺而弗全人或疑其贗作今單行於世號爲完書者惟南宋洪遵泉志一編而已顧其分類多有未精五代十國同一偏安而或列爲正品或列爲僞品則分類未爲悉協其不知年代亦與奇品多混天品神品則彌近荒怪卽其援據紛綸如卷首之虞錢夏錢裴文達公文集卷之三序

一

乃下與齊晉春秋六國之諸錢更無分別抑又何也秦之半兩則重如其文漢初之半兩則八銖也文帝之半兩則四銖也而洪志所載乃又有吳凜鄧通所鑄究其形模實無徵信武帝創五銖迄於隋室紛起疊出餘俱混同莫辨而洪志必強爲分屬曰某爲某鑄其實可據者赤仄白錢四出兩柱數種遠及于西涼外迄于蠻荒則亦未敢以爲信也乃至漢興錢其文曰漢興攷晉書載記東晉成帝咸和十三年蜀李壽改國號曰漢改元洪興則當爲李壽所鑄無疑而洪志乃謂之漢初錢引史記平準書漢興以爲秦錢重難用云云則近於兒童

之見幾滋笑柄茲所緝次一仿史家編年之法分爲十六卷南北朝後五代糾紛錯出咸以正史爲斷惟外域錢撤帳錢異錢厭勝錢則各爲一門不入於列朝之下其上古遼遠傳記莫詳仍羅氏路史之說亦不敢稍孳臆見秦漢而下迄於有明數千餘年間詳考其制作之由繫年繫月繫日一展卷而可以得其盛衰興廢之從來通典通考參差互見之處亦略具於此此亦考鏡政事之一大端也就

內府舊藏刪其重複得五百六十五枚不必廣爲搜輯而歷代之制已爲大備矣前列爲圖其長短廣狹輪廓

裴文達公文集

卷之三

二

肉好悉如其制篆籀分楷竝肖本文摹之始事於乾隆庚午之冬月凡疑義斷文臣等遲回而不能下筆者仰

稟

睿裁重爲釐正閱辛未夏始克告竣付諸剞劂用廣流傳後之覽者無徒玩其古澤等諸器具之觀則是書之成固九府之鴻規而利用前民之職志也謹稽首拜手而爲之敘

丁卯湖北鄉試錄序

國家合天下之秀三年而大比之

勅京朝官往司其事於是拔其尤登於賢書厥典綦鉅

歲丁卯維乾隆紀元之十二年禮臣次第具名以請時

則奉

綸音以臣曰修臣借編脩臣主湖北試臣伏念孤根

弱植荷

聖人特達之知凡所叨被皆踰分涯而臣曾無毫末足

以仰稱惟是文章之事幼而學之于斯役也不敢以不

習爲辭用敬承

裘文達公文集

卷之三 序

三

天子命班馬軺車弗遑夙夜旣抵境率同考官等祓濯

糾虔公慎交勉進湖北學政臣宋邦緩臣所錄四千餘人

三試之得士如額擇其言之最雅馴者二十首上呈

御覽臣竊惟科舉以時藝爲程汲汲然丹黃而甲乙之

夫亦思人所重於士與士所自重顧藉此四股八比爲

哉乃行之數百年而不能變者原夫立法之初蓋有深

意且夫人自爲書家自爲學此大不可也聚天下之精

神材力悉納之於依經附傳中畢其生俯首於是而更

無旁鶩岐趨曉焉競鳴之術其登進之也又範之以馳

驅需之以歲月不復使萌一鉤奇釣異獵取弋獲之思

竝軌合轍四海一塗士氣既靜而後惟上之所用之故  
知敷奏以言求之他端則終無以易此然而風氣之推  
遷久而失其初步樸斲而華誠漓而儉積漸使然無足  
怪者今夫國奢示之以儉國儉示之以禮文章運會亦  
如是已矣一弛一張道廼弗敝恭惟

皇帝陛下以大君作天下師頒諸典誥發爲詠歌爲斯  
文斯人計者憫羣聳而振之以金鐘大鏞天下之人如  
迷斯悟如嚙忽覺暑寒三易章甫逢掖之儒操觚鼓篋  
而來者駸駸乎澤詩書而尚廉恥蔚然可觀臣幸得躬  
值其時膺一方品藻之寄維楚有材實爲文藪爰與共  
裴文達公文集卷之三 序 四

事諸臣研精屏息不敢以輕心慢氣乘之而一以

帝訓爲權度其有臆聞膚見無當先正理法者則擯而  
弗錄於以仰助

清時治化之隆於萬一蓋文章之事每進而日醇而人  
材因之以出有真文章則必有真人品有真人品則必  
有真事功使天下後世不得岐人與文而二之曉然於  
時藝之可以得士士由此進者可與古名臣偉士相擬  
竝論而未嘗有所升降於其間則此四股八比者方將  
羽翼六經衍唐虞周孔之緒言與洛閩諸書均其不朽  
覺兩漢傳注箋疏猶多未粹又何百家膠轕之足云耶

臣謹拜手稽首颺三於簡端

襄文達公文集

卷之三

序

五



浙江鄉試錄序

歲在庚午爲

皇上御宇之十五年禮臣以浙江鄉試至期上請奉

命以臣表曰修臣歐陽正煥臣其事臣曰修伏自念學

殖菲薄不足以仰稱

明旨而浙又大邦爲人文所薈萃

詔下之日臣用是深切悚惶齋心澡慮昕夕載馳旣抵

境則監臨巡撫臣永貴提調布政使臣王師等肅清內

外咸就條理乃進學政臣子敏中所錄士八千有餘分

三場試之臣借臣正煥率諸同考官竭二旬之力衡其

裘文達公文集卷之三

序

六

高下而加次第焉得士如額爰刊文二十有二首恭呈

御覽臣謹拜手稽首颺言於簡端曰今三年一舉蓋仿

周人大比之制七藝則宋之帖括類耳表判以駢麗爲

體猶是詩賦之遺意曰論曰策則唐宋制科咸有之由

今之法行古之道未嘗非取士之良規而文運升降人

材之興替繫焉是在司試者謹持其衡而已顧臣間嘗

討論之文章之事各以其時爲風氣而五方不齊所崇

尚復異是不能強而一也以天下大較言之東南之士

率嫻聲律而工文詞於西北爲勝兩浙自唐宋以來代

有作者至

國初蕭山毛奇齡以宏博絕麗之才著西河文集厥後  
秀水朱彝尊有曝書亭集一時學者多所取裁流風所  
被鉛槧浸廣故近世文章於東南尤必以兩浙稱首然  
其微也持摭割裂古人之字句以相矜耀而中無所得  
又其僻者務爲新奇可喜往往以諸子百家之言闢入  
制義此則逐外者苟以爲名而不求其實後生不學之  
過於老輩固無與焉顧揚汨不止或且取科第以去則  
轉相仿效其風益扇操文章之柄者是不可不兢兢也  
臣於

陛辭之日伏承

裴文達公文集

卷之三 序

七

勅旨首以黜浮爲諭蓋詞浮則枝氣浮則不斂理浮則  
詭於昔聖昔賢之道而異說旁出格浮則奇衷而不衷  
於法矯是數端則又非固陋迂淺之謂曩者漢太史司  
馬遷之文灑演邈迤極古今之變而唐柳宗元以潔之  
一字當之知是說者可以言文章矣浙東西十一郡大  
抵皆負山枕江海靈秀所鍾毓其姿稟有過人者流而  
入於浮夸也易引而造於大雅之塗則彬彬郁郁亦非  
麤獷朴鄙之士所得庶幾又其耳濡目染得風氣爲先  
而轉移亦最捷伏讀乾隆十年

詔書有云古人論文以渾金璞玉不彫不琢爲比未有



壬申江南鄉試錄序

洪惟

皇帝龍飛之十有六年為

聖母皇太后六旬萬壽維時朝野清寧福應交至

上親奉

大安之與幸臨吳越視膳承

顏以天下養夏五月

旌躡京師爰下

明詔以明年壬申益春秋兩闈以彰

曠典以宏

褒文達公文集

卷之三 序

九

壽考作人之化時則熙熙喁喁望風跂足慶溢乎膠庠

序歡騰乎章甫逢掖爭束身砥行以待舉過江人士則

尤親炙

聖人之光輝而興起者欣呀舞抃倍於常情而臣以待

從操三寸不律奉

勅偕編脩

臣御樹本

司衡其地竊自喜被

命之榮而又懼不克稱任使貽多士羞也齋心澡慮昕

夕載馳既抵境取士如額采其前列者文二十首恭呈

御覽臣謹拜手稽首颺言於簡端曰文章之事與運會

相為升降而方州所限則亦有可言者粵自言偃來吳

厥傳文學春秋而後類祖風騷自古已然於今爲烈我  
國家函一區夏首開科目武進呂宮卽以大魁入相後  
先相望迄於今茲又鴻詞之選百年來僅一再舉行而  
衰然首選者多此邦人士且自汪琬韓菼諸人以詩古  
文提倡宗風海內敦槃所屬歸之恐後宏長風流淵源  
有自近一二積學稽古之士名爲老宿者

上皆拔擢於遲暮之中假之以羽毛賜之以聲價於是  
後生晚進矜爲美談擲管含豪蒸蒸欲動羣思自奮於  
文章夫磁石引鍼方諸取水氣類所感妙在無言此其  
聞風而起相觀以善蓋有心慕手追而不能自己者故  
裘文達公文集卷之三序

十

稱文章於江左譬如與閱世家論朝章典故探喉而  
出自有端委非篋門圭竇蓬累而行者所能髣髴矣又  
況

壽域宏開人爭祝

椒

翠華甫過戶奏迎

鑾人心鼓舞之誠與天地祥和之氣相爲迎導而大發

其光華而臣幸得身際休明適逢其盛爲之校一日之

短長覺取材鄧林求玉元圃豫章之末璆琳之資充物

於左右惟大匠良工擇而用之而已臣之愚無能爲

役顧竊爲諸生更進一解報

國不獨文章科名必以人重是則臣之期於無負茲大典者旣以自矢復告諸多士披文點字之餘益不勝惓惓鄭重之思云

裴文達公文集

卷之三

序

十



裴文達公文集

大典者所以自來者書而多主姓文編字文益不勝

國不勝文章科名必以人重是則臣之期於無負茲

大典者所以自來者書而多主姓文編字文益不勝

癸酉浙江鄉試錄序

維我

皇上御宇之十五年歲在庚午臣日修嘗奉

命典浙江試事越三年為癸酉臣復荷

恩綸偕編脩臣吳鵬南主浙試臣昨歲壬申典試江左

又前丁卯臣有楚闈之役皆東南人文最勝處而浙尤

材藪臣今此為再蒞其地臣

詔下之日都人士咸以為臣榮竊自抱愧惴惴然恐

無以仰稱

任使且貽多士羞也既抵境乃進學政臣彭啓豐所錄

裘文達公文集卷之三序十三

士七千九百有餘局闈而三試之得士如額擇其前列

者文二十有二首進呈

御覽而謹序於簡端

國家取士上以儲公輔之望次以備侍從臺垣之選其

循資按格亦畀之以百里民社之寄舉無所事於詩文

者而當其始進也必以此為羔鴈則似所求非所用然

有明三百年以來至今循之中間嘗一再議改而卒未

能或易者蓋亦有說書文經義所以代聖賢言語必明

於道德政事之故而心知其義始克為之其功弗深者

其為之猶弗善且不特此也五策則下古今時事得

失皆舉而詢之以觀其所蘊蓄表判以四六爲之固亦制誥典冊所用又唐宋詩賦遺意也苟欲兼備其長非淹貫博雅而又通知當世之務者未易晚豪伸紙呈能於風簷寸晷之中而世固有淺薄之子苟求速化曾無所得而勦襲持擿以僥倖一時取科第以去者此則持衡者弗審之過非立法有不當也浙故多嗜古之士頃者

皇上舉巡狩之典

翠華南幸諸生獻詩歌賦頌者以數百計蒙

召試官於被省者凡數輩餘亦

裘文達公文集

卷之三

三

賚賜有差士於是益以鄙僿爲恥爭自濯磨以期不負右文之治庚午校試亦明示以三場同重不專以帖

括爲工所取者或冠南宮登鼎甲邦人士尙以臣爲知

言今彬彬然橐筆而來者既盡其一日之長臣又何敢

稍自懈逸爰與臣鵬南偕同考官一十有六人盟心自

矢一意蒐羅辨色而起率漏下三鼓始就寢如是者二

十餘晝夜不敢謂竟無遺珠然空疎無真濫廁其間者

固已鮮矣他日筮仕登朝或可以一知半解裨補

朝廷於萬一不使天下後世笑科舉之士爲無用而士

之以時文進者亦不專恃兔園冊子爲生涯風氣之日

上由一方以推之四國駸駸乎與菁莪棫樸之詩同垂  
雅詠則臣等所拭目翹首欲藉以仰報

上恩者區區之誠願告浙士益相與勉之云爾

裴文達公文集

卷之三

序

十四

已卯江南鄉試錄序

惟我

國家聲教暨訖自古所未有而三吳又東南名勝一大  
都會也人文之盛尤為稱首前此壬申歲

萬壽恩科 臣實銜

命司衡其地越八載歲在己卯 臣 方奉使淮海有察勘  
之役未旋京復荷

綸音以 臣 偕給事中 臣錢琦 主江南試事 臣 且忻且懼

既其摺謝

恩廼次於境上 臣琦 自都門至即偕赴秋闈相與矢念

裘文達公文集 卷之三 序

壹

盟心互加砥礪用期仰副我

皇上作人造士之

聖心於萬一披文點字惟慎惟公既匝月得士如額擇

其言尤雅者恭呈

御覽 臣 例得颺言簡端竊惟唐虞之世一堂賡歌於上

而康衢擊壤之頌乃下至田夫野老亦能之此非必稱

量聲律揣合尺度之為也言者心之聲而帝典謂詩言

志斯直抒其胷之所有一流溢於自然而聲韻於是乎

出三代之時置采風之官其士大夫相見必歌詩而里

巷風謠皆被於絃管自李唐以詩取士則名公鉅卿率

託基於此兩宋科舉之法屢更而詩賦不廢至有明遂專以八股文謂之制義以爲講明義理肖口吻於聖賢於道爲最近我

朝因之百二三十年於此顧原夫三場分試之法必命之表判則駢四儷六亦卽詩賦之遺意及行之既久而沿襲假借或作僞於其中不則亦視爲其文無所軒輕我皇上乃折衷今古易之以詩而制義五策仍其舊蓋琴瑟不調必解絃而更張之自是則合唐宋以來對策帖經詩賦三科爲一而取士之法於是乎大備矣士苟其中有所得不患無以自見而操鑿者亦易於決擇無復裘文達公文集卷之三序  
能以陳篇相習江左當

翠華載幸之後名山大川一一邀

聖人之題品而發露其精神茆檐蔭屋之下沐

膏澤而歌詠太平駸駸乎與擊壤同風況此我冠博帶

誦鹿鳴而來者更彬彬之選也歟臣等合三場而通校

之不敢一毫以意爲輕重而卽以詩論則已斐然可觀

無擘緩嘒颯之音而得優游平中之響此文章之事通

乎運會

聖天子過化存神之妙有莫知其然而然者臣竊喜此

邦之風氣屢進益上又白慶躬逢其盛得藉手以觀多

士之成而預名於其卷端爲司試者之榮也謹序

裴文達公文集

卷之三

序

十七



士之成而預名於其卷端爲司試者之榮也謹序

丙戌會試錄序

乾隆三十有一年歲貢士於南宮得

旨以臣日修臣宗楷臣尹繼善臣副大學士典司試事

臣以下里章句之學得邀一第局於眉睫之間枵然無有也白以考試蒙

主知拔置詞館獲廁於

內廷翰林之列然後得日讀

聖人之著作親聆

緒論用以開拓心智增長意識於是文章一事蠡測管

窺稍有所見茲者逢必世之

裘文達公文集

卷之三

序

昌期值文明之紀歲

皇上眷念單寒酌疏通廣登進四海之大彈冠囊筆之

徒于于而來雲集

闕下夫進士一途

國家所以取士而用人者於是乎在顧此區區八股文者何所藉之而鄉會兩試之法沿百餘年而不改非無說也利不百不變法鄉舉里選九品中正任子掾仕諸法前代蓋屢行之不足收得人之效於是經疑帖括墨義詩賦論策小學算法唐宋以來時有損益今日者乃集其大成更三場而羣制畢備其人必熟於五經四子

之書明於天地古今之故方稱斯選其能當之無愧者  
歲舉不過數人其不合格者亦必節取以足其數蓋寬  
以收之然後嚴以擇之也夫此八股文者誠無與於得  
人之效然善讀書者卽此八股之文原可通之於政事  
況天下大矣不以一途束之則心思材力皆將妄有所  
用今盡納之於八股文之一途其得之者大小各有所  
就其不得者亦不能他有所希冀於是民氣靜而士無  
龐雜駕馭羣材羣力之大權也司文衡者誠識其意更  
加精選焉無使苟求速化之士倖於一獲而熟於五經  
四子之書明於天地古今之故所謂每一舉不過數人

裘文達公文集

卷之三

序

七

者無使此數人有淪落不偶之歎則於

國家儲材待用之意庶幾其有合矣謂八股文無與於  
取士之意者取之不得其當非立法之過也臣等局闈  
一閱月互相商榷必勤必慎幾爲去取而始得及乎二  
百七人之額於以副文天子旁求之至意於萬一區區之誠實在於此更願  
偕此二百七人者相與勉之

江右後四家稿序

明之八股文猶唐之詩終其世以此取士而體亦數變  
王唐瞿薛而後繼以歸胡楊湯所謂八大家也最後乃  
盛稱江右五家五家之文遺貌取神與八家者異曲而  
同工顧後之人不多讀書而鉤章棘句以艱深文其淺  
陋此於五家何與而世方且以五家爲口實甚者舉牛  
鬼蛇神之語爲五家詬病五家文寧有是哉是則未嘗  
見五家文而人云亦云貴耳而賤目五家不任咎也嗣  
五家而起者吾鄉有徐巨源萬茂先陳士業此三君子  
者詩古文行世已久而制義不多見余爲諸生時於鄉

裘文達公文集

卷之三

序

三

人處得其遺稿頃於京師又得求新賀可上之文乃奮  
萃之計一百六十餘首恐其久而復散失也退食之暇  
輒手自校勘略加評隲以爲五家之後得此足相證明  
而高古淡泊學之者更無流弊之可言嗚呼是可傳已  
第明以八股文取士而四君子咸終老於諸生或以他  
途受職率不由科目然則文章之遇合有數存焉苟其  
文足以信今而垂後視彼一第之榮所得孰爲多少夫  
唐以詩取士而李杜不中第蓋古今有同慨矣四君子

者各爲一集而系以里居出處使世之人讀其文知其

人之本末亦尚友者之資也

李湛亭制府六十壽序

余髫年以童子試受知於安溪抑亭師卽與公爲忘形友嗣是入翰林爲同官

聖天子以方面需材於詞館中簡其尤異者任之公猥

浙江嘉興府再擢山東運河道歲丁丑余奉

命經理水道維時大江南北中州及山東之兗州悉被水兗州運道幾絕微山湖與運河無復隄岸余往來相度以東省事委之於公公亦慷慨任弗辭開伊家河以洩微山之漲公勦謀也至河隄之立於稽天巨浸中植木爲標識以土石填之一仿靳文襄公遺法他人瞪相

裘文達公文集

卷之三

序

三

顧不能得其要領公獨心解神契目視手指口畫悉中肯綮閱兩月而百里之隄成運以無阻金鄉魚臺在水中者始出不獨此也江南之沛縣幾廢以隄成而湖濶縮沛亦無恙此公之功在運道而及於民生鄰境并受其福

天子嘉公績畱公於運河以一方保障非公不可而公亦自是告瘁一二年間鬚髮竝白公年亦且六十矣歲

乙酉

聖駕四舉巡狩之典復

召見於河上遂

界以制府之

命由監司拔至一品此異數不一二觀也朝野聞者罔不額手稱慶謂

聖天子得人余以平昔相知之雅尤爲之喜而不寐蓋余十年來與公周旋多在驚濤巨浪中余數奉

使惴惴得免於罪戾者亦惟公是賴猶憶辛巳揚橋之役黃河盡徙入賈魯一河余欲以其時開和合驛引河使大溜中趨免曹單之險及故道未復於乾土中施力則事半功倍謂宜晝夜併作不可失適東撫阿公偕公來遂以身任其事既得奏十日而工竣今東豫之交遂

裴文達公文集

卷之三

三

無險又直隸與東省接界曰德州德之四女寺有減河經吳橋取道於海豐入海漳水盛發上及於東昌下漫於固安東光賴此河爲宣洩而壩口規制殊狹不能暢公謂余宜加寬十餘丈則無患矣余以其言入

告得

旨行而南北兩年來安流無警此其機亦未嘗不自公發之公顧不自尸其功與人言無一語自詡然與公終始於河者莫如余余又安能默默已也余與公皆上有老母公被

新命於春二月

聖天子以防汎之期尙遠特與公假期令歸覲余前年以直隸水利隻身來京師亦蒙

恩詢及老母特許迎養蓋

聖主推錫類之恩余兩人身被尤渥念自幼與公訂交公既六十而余亦衰白如七十許人惟是渙言不敢自謂老有一言爲公壽者願太夫人百歲康強公每十年一歸省而余母亦以善病末年竝同以誦經讚佛爲

聖母千萬年無疆之祝是則公之心更鄙人之願也公六十初度不肯令人知而同官屬吏必欲以一觴稱壽來索余言亦以余知公最切與公交最久余固宜不能已

裘文達公文集

卷之三

序

於言也是爲序

南豐劉氏族譜序

南豐劉君和峰與家三兄同官於蜀雅相善遂締姻焉  
乾隆癸未余以郝太夫人內艱居里和峰之子文紱來  
言其族人脩家譜適告成請余一言以爲序嗚呼余何  
以執筆而序他人之譜哉余家自先大夫與叔父孝廉  
任遠公脩譜而後垂五十餘年生齒凡數倍於前而存  
沒月日不能具悉前輩人之風誼後生莫得聞知凡今  
之巋巋林立者其名字曾無所記錄數傳以下將不復  
可考然則排次而條列之非余之責哉顧余數年來伯  
仲淪謝前歲大兒奄逝繼卽聞郝太夫人之訃匍匐旋

裘文達公文集

卷之三

序

三

里失一幼孫未數月次兒又以疾不起數喪相望經營  
窶窶之事日夕不遑而里居計期將再閱寒暑矣卽一  
門中欲詢求親疎遠近論其年齒輩行按人而冊記之  
此固非歲月不爲功乃猝猝未之有暇也余能無愧歟  
又所最抱憾者飢者不能給之食寒者不能授之衣秀  
而文者不能掖進之愚無知者不能化導之余能無愧  
歟余復何以執筆而序他人之譜哉雖然劉生之意勤  
勤懇懇未有以卻也且余於敬宗收族之誼旣缺略矣  
視他人用意惓惓於此又不一慇懃之余咎不滋重乎  
至於侈篆龍之奇陳斬蛇之異昔人紀載爲劉氏豔稱

者余所弗取余以其本支一體綢繆敦敘之義有足多  
者余既爲之深羨幾自忘其慚而復勉應之遂書此以  
弁其簡端時乾隆二十有八年歲次癸未二月之朔也

裘文達公文集

卷之三

序

五

南昌沙湖李氏譜序

族之甲天下莫盛於李氏亦莫著於李氏自唐除而裔  
苗皆星布矣南州之沙湖其始祖昌裕公自畀田以宦  
遊遷徙其地溯其所自出係昭王六世孫也舊有乘爲  
兵火傷殘幸據其五世佯公詳列世系瞭若指掌後十  
二世伯良及十九世明史父子相繼重纂皆可按而稽  
攷今貢元廷選慮其子姓繁衍世遠難稽出商族衆尊  
長衣冠慨捐貲再輯力爲首倡不日有成廷選之子堦  
與余姪孫錦有襟親之誼來丐余序然則余何以序之  
夫子孫之賢肖在乎尊祖而敬宗使親親之道得普而  
裘文達公文集

卷之三

序

三

同之聯而屬之也是故族大則貴有譜有譜久而足徵  
雖家乘也不猶國之有信史哉書此以誌不朽云爾

石曉堂詩序

余同官英夢堂老詩人也一日謂余曰近於時賢中得佳句公以爲此何等入作因爲余誦官久歸遲之語余曰此放翁警句也何自得之夢堂乃爲言石曉堂詩又言曉堂詩可誦者率如此此求於時賢中實不可數數覩又一日余爲座客言之吾鄉饒霽南太史乃躍起於席間曰此固吾嘗共事於陳雨泉巖使幕中者也公欲識其人乎又明日偕曉堂竝攜其詩集以來余方日趨直於

圓明園退食抄暇兀兀肩輿中凡兩日始卒讀維時三

裘文達公文集

卷之三

三

伏赤日當空余讀此詩不復知暑又越日曉堂來取別蓋曉堂久宦楚南近以政異擢尹城步行有期矣余因告曉堂余之重君詩以君詩有真性情非如世人塗飾絺繪以爲工者也顧豈獨詩云爾哉服官蒞政事上接下若無真性情則雖炫赫一時皆僞而已矣僞則未久能久者也有真性情然後有真文章真事業真文章則必傳真事業則必顯皆於性情發之君歸道出長沙雨泉僑寓在焉雨泉余知其具有真性情者試以此言質之

王親亭注杜詩序

乾隆己丑余以居憂旋里昭別駕王君喜其有儒者氣象既乃知其能詩間一叩之則得於過庭之訓者有素又久之出一編見示則親亭先生所註杜詩五律也註杜詩者多矣穿鑿附會強爲編排親亭先生則一掃而空之所謂以意逆志斯爲得之者也夫杜詩之妙在一真人必有真性情而後有真文章真事業讀杜者以其私心鄙見妄窺古人此安足以知杜哉余見親亭先生月湖丙舍圖知其有真性情者以此測杜則誠杜之知己也顧潛德不曜可見者獨文章耳所謂真事業則吾

裴文達公文集

卷之三

序

望別駕勉之既已語別駕遂書於簡端

大易合參講義序

余自束髮受書攻舉子業五經雖卒讀故不甚了了也  
稍長涉獵於子史泛濫於詞賦其去經義也日以遠儻  
人廣座中有談及經解注疏者曰某家某家余輒面發  
赤無以應至於易之爲書言象言數言理余尤懵焉居  
恆兀兀每以是爲內媿資性之愚下固不可得而強也  
同邑朱子用行字翼承廼時時言易余憶歲在丁未與  
翼兄應童子試補博士弟子員名次相亞厥後屢試常  
肩隨其間而翼兄久困場屋今且老矣僅貢入成均需  
次一司訓而舊時同學少年及後生晚進多取高科掇  
裘文達公文集卷之三

序  
无

膺仕顧翼兄不以是爲快悵是其中必有所得非一切  
榮利所得而動是真能讀易者言象言數言理余不得  
而測識之矣余今者熒熒廬次邑之諸君子爲言翼兄  
有講義之刻且徵余序余固不知易余固知翼兄者於  
其請書此復之遂以爲題詞

鯨鏗集序

康熙間越郡毛西河太史選唐人試帖四卷以爲律詩有開承轉合頷頸腹尾之法卽今經義入股所自始其言信然嘗考商周漢魏之詩無所謂律亦無所謂四聲韻部逮濫觴於六朝而唐人定其格又若孔德紹之賦得涉江采芙蓉朱超道之賦得蕩子行未歸亦唐人試帖命題之所沿溯也第六朝人寧律不諧不使句弱而唐人則必平仄首尾調黏且限之以官韻用試進士而衡度去取之命之曰律言若刑統之格式律令不可出入然杜工部有云晚歲漸於詩律細其於他作尚爾況藝文達公文集

卷之三

序

試帖乎

國家近定取士之制黜去表判而增律詩八韻俾多士夙習風雅益闕元菑股肱之廣和海內蒸蒸向風爭言聲律於是周狄申三孝廉因毛氏選本始唐人以至昭代取諸應

制五言詩及試帖體精選而箋疏之爲學詩者備指津逮而余特爲舉毛氏詩肇八比之說俾世知詩文之作殊塗同軌學者第卽經義求之證以是編并得其反正淺深賓主起伏之法則其於學詩也過半矣

徐勣右嶺海異紀詩序

甲寅乙卯之間余肄習於豫章書院獲與勣右徐君訂交時當道諸君子咸雅意好文聘大儒爲之師而先後負笈至者又皆一時英俊彬彬奕奕斐然成章然求其學古工文具通材如徐君者亦不數數覩也徐君侗儻士而性好遊甫加冠足跡已遍於吳楚齊豫燕趙之郊嘗讀其萍遊草詩卷感慨淋漓憑今弔古未嘗不爲之擊節傾倒無何余以世故推輓奔走京師閱歲始歸而徐君復扁舟爲百粵之遊兩地相望離思正切方冬寒苦雨閉戶養疴清晨忽聞剝啄叩門聲則徐君至矣輒

裘文達公文集

卷之三

序

三

不禁驚喜欲狂坐定問無恙外亟啓篋以竹枝詞一卷索訂卽嶺南遊稿也自山川人物之勝以及一鱗一羽一花一木之異靡不有作共得詩六十首首各綴以小序抉摘透露亦諧亦莊乃作而歎曰昔夏后氏言養民之政亦旣戒用休董用威矣復申之以九歌之勸所以歌詠其風俗而攄發其性情使之流連往復而不至於倦有志於世道人心者舉此意而推之斯編之作豈爲無補也歟旣以此語復徐君行且自念年來奔走亦嘗南湖湘沅東登泰岱聽瀕江夜半之潮踏薊北三冬之雪願以謏劣終不能有所紀述風塵碌碌徒令山靈笑

人以視徐君斯編其才識高下爲何如也

袁文達公文集

卷之三

序

三



董鹿園重脩仁壽橋序

吾鄉德興董氏故巨族明萬歷時有從道者與子一卿尤著其爲仁壽橋也彷彿如苦行頭陀必完其願力乃止工費以萬金計破其家不足更稱貸以益之至於今幾二百年矣歲久且圯其裔孫鹿園爲諸生時卽謀興舉而力弗能繼爰以雍正癸丑成進士筮仕得廣東之陽春令僅二歲餘丁外憂以去旣去有承審事以逾限鐫秩居廬三年以積俸所入悉以供橋費服闋引

見終格於部議不果聞鬻其衣於長安市上將買舟以歸別余於邸舍無幾微慍色而獨惓惓於橋之未就也

裴文達公文集

卷之三

三

吾於是謂鹿園爲不可及已吾聞鹿園爲諸生時嘗併日一食夜課不能具篝鐙之資嘗穴壁借月光陰晦則據牀默誦夜漏至四五下率以爲常此其貧瘁如此以常情度之仕宦而致千金未有不求升合之田爲子孫衣食計者而乃一捐之於橋此其胸中非有大過人者烏能及此又吾聞其太夫人節縮衣食脫簪珥佐之時時以不墜先人志爲鹿園訓是俱可傳也於其歸爲書數語識之他日橋工成吾再當執筆而銘其石

重脩族譜序

余家宗譜自康熙丙戌先大夫都諫公暨仲父老遠公手輯付梓而後今又六十四五年矣此六十四五年中生沒歲月無所紀錄久且無攷修惕然憂之壬午以郝太夫人艱歸里爲四兄敬齋言之遂以雙江橐屬四兄而鑪坑兩房厚舍赤城諸宗派則屬其門內之能執筆者具草且告之曰譜所以紀世系也俾後之人知某爲某子某爲某孫某生於何時或執何業作何官某沒於何時葬何地雖閏年久遠皆有所稽攷而不僭不濫此譜之所由作也至於寓褒貶別善惡則史家之事裴文達公文集卷之三

書

非譜牒所應有也又或繁稱遠引自託於神明之後至欲表章其祖父往往溢美而不顧其理之可安若是者吾無取焉族人咸以爲然乾隆己丑修又以王太夫人大故扶櫬南旋冬十一月窀穸之事粗畢四兄命大姪允緒以雙江譜來而鑪坑上下房厚舍赤城諸宗派草譜亦具修時奉

丙召之命行有日矣寒夜挑鐙繙閱一再過又令諸子姪維誣錦印等詳爲校對敬以付雕人用活字版集成之於舊譜所書不敢妄有增損但複字冗文略爲刪訂而已茲續纂者則惟記存沒歲月如前所云綱領條目

一遵舊本更無須發凡起例集版余族人令修序其端  
於是乎書

裴文達公文集卷之三終

裴文達公文集

卷之三 序

三



裴文達公文集卷之三終  
裴文達公文集  
卷之三 序  
三

裴文達公文集卷之四

起居注後跋

竊聞乾坤日月之容非丹青所能繪山海苞符之美非  
身鄙所能探况乎

道崇業廣

德感化神炳炳麟麟巍巍蕩蕩日用而不知名言而莫  
馨者乎歲在癸亥爲我

皇上紀元之八年臣等備員簪筆朝夕侍從竊見我

皇上

聖敬日躋

裴文達公文集

卷之四

跋

一

自強不息立綱陳紀敷政寧人策勵臣僚又安黎庶無  
一不本於

皇躬之劼毖一年之內美不勝書而推原其本則端在  
法

祖

宗之心以爲心法

祖

宗之政以爲政故以仁育萬物以義正萬民實以孝治天

下其立本者厚故本立而道生其儲源者宏故源深而

流廣旁皇周浹充滿宇宙若此其盛也書曰文王懷保

小民惠鮮鰥寡自朝至于日昃不遑暇食用咸和萬民  
我

皇上以萬姓之痾瘵爲一體直省小有偏災卽沛

恩膏多方補救是以本年正月有江南饑口接續賑卹  
之詔又四月有山東雨澤愆期緩徵舊欠之詔有甘省  
苦寒分年帶徵舊欠之詔五月有河南被水應徵錢糧  
分別停緩之詔七月有河南新野等縣錢糧加恩停緩  
之詔有天津河間被旱酌量開賑之詔有淮揚徐海積  
欠籽糧分限緩催之詔十月有販運奉天米穀接濟天  
津之詔至於鹽爲山海之官古者屬之少府漕乃

裘文達公文集

卷之四

跋

二

天庾之蓄往例盡入京儲我

皇上一視同仁隨時變通於是本年五月有淮徐鹽場  
被水未完折價一例停緩之詔有淮揚徐海應徵雜稅  
概予寬免之詔七月有海州沭陽等縣緩徵漕糧之詔  
有天津河間被旱撥發通倉米石接濟之詔十一月有  
安徽省屬舊欠丁漕起限緩徵之詔有海州等處漕糧  
漕項一體緩徵之詔有壽州等處漕糧漕項概行緩徵  
之詔若夫

翠華所屆徒御不驚野人慕義雖懷芹曝之忱士女歡

呼不費壺漿之奉我

皇上德施恩溥無所不用於是七月有

詔

經過地方查免錢糧之詔又復  
宵衣旰食未雨綢繆三月有暫停採買以平米價之詔  
六月有撥通倉粟米十萬石運津備用之詔七月有截  
留六省漕糧以備東南緩急之詔十月有截留東省漕  
糧八萬石預備倉儲之詔十一月有截留湖南漕米往  
運廣西備糶之詔十二月有截留東豫漕糧十萬石以  
敷直隸糶借之詔凡閭閻之疾苦無不曲折於

宸衷而發政施仁殆無虛月書稱惠鮮懷保何以加茲

袁文達公文集

卷之四

疏

三

若夫整飭封疆勤求吏治凡一官一邑莫不簡畀自  
天隨材任使固已吏無不肅政罔不脩我

皇上又復念久道而戒因循正人心而除積習是以又  
四月有宣講

諭畱心化導之詔有申嚴營制彈壓地方之詔五月有  
特諭廣東督撫提鎮之詔六月有惠養兵民同視一體  
之詔十月有誠諭九卿殫心竭慮以効贊勳之詔有誠  
諭督撫察奏屬員之詔十一月有中飭督撫董率羣吏  
實心致治之詔凡屬山陬海澨之遠悉在

耳提面命之中洞囑重情如指掌又如裁改名糧以

給武職之養廉增賞眷米以卹苜疆之兵士寧夏滿兵則量予腳價臺灣更踐則優給資裝

恩有逾於投醪

澤更深於挾纊書曰推賢讓能庶官乃和舉能其官惟爾之能舉非其人惟爾不任我

皇上側席維殷任賢勿貳

特命諸大臣於自陳之後舉賢自代廣明目達聰之用紹師師濟濟之風公聽竝觀無偏無黨昔周之王也下世卜年承承繼繼而姬公陳風化之所由興必以基始靖民歸之后稷十五王而文始平之十八王而康克安襄文達公文集卷之四賦四

之洪惟我

朝發祥長白奄有中外肇萬世無疆之休實由我

列祖

列宗積德累仁承

天景命是以我

聖祖仁皇帝六十一年中三謁

園陵恪脩祀事成憲具在册府所藏班班可考也詩曰儀

型文王萬邦作孚言法祖也我

皇上敬繩

祖武以奉天矜我

朝發祥之地

特命繕寫

歷朝實錄滿漢文各一部俟書成後送往尊藏爰以七月

之吉備

法駕飛

六龍奉

慈寧嚴警蹕百官咸會六師景從遂屆

典京舉行

盛典於時天澄其氣日朗其精松楸蔚然

闕宮肅穆萃精神嚴對越孝敬之至通於

裴文達公文集

卷之四

跋

五

明視無形聽無聲念經營締造之艱難思夙夜敬承之

滉易籩豆既飭屏蠻如聞詩曰王配于京世德作求末

言配命成王之孚此之謂也爾廼

至明堂觀羣后鴻儀告備景發敷

慶賜遂行詩曰威儀孔時君子有孝子孝子不匱永錫

爾類此之謂也爾廼陳鼎實列樽俎百僚穆穆管鑿

鏘傳曰諸侯閒於天子之事於是乎有燕享之禮享以

訓其儉燕以示慈惠此物此志也是役也萃萬國之歡

心沛敷天之膏澤

之至也酌三代文質之中舉曠古一行之典

義之盡也仁也義也皆

天子之孝所由中發外劄制顯庸為法於天下萬世者也故曰王者以孝治天下即以仁育萬物以義正萬民而立綱陳紀敷政寧人君之朝寧之間而行於四海九州之遠者何莫非

大孝之所推暨哉臣等仰承

聖德實無能彷彿其萬一惟是紀年紀月用以昭信史官守所存臣等職也謹依日編排自正月之始迄於歲臘上之

石室以垂示來茲焉

裴文達公文集卷之四跋

乾隆己巳冬奉

勅纂輯西清古鑑每一卷書成輒恭呈

點定閱二歲歲在辛未夏五月是編告竣奉

旨付劄劂氏臣謹拜手稽首附識一言於簡末曰古人

制器或以竹或以木或以陶其貴者以玉而金爲最壽

顧秦人銷金之後三代物絕不復見其藏於土中者

未出故漢唐諸儒莫可得而攷鄭康成杜子春孔穎達

諸賢非不貫穿六籍而目不經見其立說悉無所依據

如犧尊之制至魏時魯郡地中得齊大夫公子尾送女

裘文達公文集

卷之四

跋

七

器作犧牛形又晉末嘉中曹疑於青州齊景公冢中得

二尊亦肖爲牛象梁劉杳始據此闢康成畫鳳凰尾之

說則其他可類推也後世陵谷遷移經五代六朝而後

古器漸出於叢祠廢瘞中好事者至鑿山沈淵以求之

於是彝鼎尊罍之屬往往表見於世顧宋初如聶崇義

三禮圖王洙禮器圖則竝未嘗目覩而命名取義直欲

以己意揣摩於故紙堆中固宜其舛也宣和博古圖則

實有是器而爲之圖與說然其中亦多有攷据失實者

如文王鼎銘之魯公乃伯禽也而謂之周公晉姜鼎銘

之文侯乃文侯仇也而謂之文公重耳漢定陶鼎銘之

定陶乃定陶共王康也而謂之趙共王恢王伯鼎銘曰  
王伯作寶鼎乃遽謂王伯者王之伯父夫伯叔甥舅之  
邦在王稱之則可豈有諸侯自名曰王之伯父者乎如  
高克尊謂高克爲周末衛文公時人而不知又有鄭之  
高克見毛詩序與左傳至於立戈鼎之戈字釋其文以  
爲我字从戈者敵物之義則沿王安石之字說而牽率  
附會加甚焉其分商周也每斷斷於一二字以爲斷夫  
十千之屬古器多有之或以紀日或以差第其器類後  
世之標舉甲乙商與周所同也而博古圖乃獨於立戈  
癸鼎謂是湯之父主癸則其無徵更明甚今此所編纂

裘文達公文集

卷之四

雖託權輿於博古一書而參互攷訂則間折衷於歐陽  
脩董道黃伯思張掄薛尚功諸人之論說要其指歸皆  
原始於書傳更探討於形模色澤之間而世次先後固  
已昭然可觀蓋兢兢乎不敢臆說以逞以是爲闕疑傳  
信云爾劉敞有言兌之戈和之弓離磬崇鼎三代傳以  
爲寶非賴其用也亦云上古而已矣洪邁之言曰三代  
彝器其存至今者人皆寶其奇玩然自春秋以來固重  
之矣經傳所記邠大鼎吳壽夢之鼎莒之二方鼎魯之  
紀甗以及甲父之鼎襄鐘舒鼎鑿鑑皆其重寶之  
壺尊簋盞角罍彝悉宗廟享祀之

辨義昔司馬遷作孔子世家嘗謂觀其車服禮器低徊  
留之不能去今是書所錄上溯有殷下逮唐室至近者  
亦千有餘年矣其器具在臚舉於圖可不謂之大觀者  
乎於以上供

乙覽傳示來茲將三代以來之名物象數咸犁然於心  
目之中是稱先則古之儀型而非菽圃詞林之編典也  
猗歟盛哉

裴文達公文集

卷之四

跋

九

海濱漁姑

自古中吳麻夫世古之難歷而非蘇圃詞林之編典也  
丁觀鴻不來也洋三升以來之古物象數歟然於心  
乎於以上供

衣千亦復華其器具登觀舉依圖而不陪之大觀也

謂之不指夫今吳書祖殺上圖古物不數厚室至近者

辨義昔司馬遷作孔子世家嘗謂觀其車服禮器低徊

御書妙法蓮華經恭跋

靜明園近接

萬壽山爲畿西勝境羅漢洞空明朗徹尤稱佛地乾隆  
歲在甲戌

上親書妙法蓮華經一策既竟

手跋其後刻之洞中

皇上總持三教作人天師宣明梵音允符真諦猗歎懿

哉竊以西極梵書流傳中土自鳩摩羅什肇著譯文舒

廣長舌振光明藏諸品既證勝因千偈悉登妙寶海會

三乘瀾翻泉湧願於六咒闕焉弗講蓋惟華梵字音判

裘文達公文集

卷之四

十

途異軌左旋右轉正錯偏纏或對或合分形辨質緣體

勢之既殊攷音響而多閤原夫具葉非工曇花偶現秘

密法中無上等器具大神通以故威音龍吼靈感鯨鯨

乃後世誦持別字者求字不求音別音者求音不求字

字音弗叶罕契真要一毫以乖詭厥正趣而或遽謂佛

之心印當由口傳非可筆授斯亦未嘗會清淨於音聞

通解脫於文字也恭惟

睿鑒實闡斯旨爰以三昧書禪用照十方世界於我佛

聲聞一塵不隔

御書頓開沉寐起華嚴之五頌續智慧之千鎗於以振



御刻墨妙軒法帖恭跋

乾隆歲次庚午 恭其 次 墨 妙 軒 法 帖 恭 跋  
上以內府所藏晉唐以來諸墨蹟入彙不啻御覽

親加甄錄

命 臣 等 非 比 次 第 鈎 摹 勒 石 爲 三 希 堂 帖 建 閱 古 樓 儲  
之 處 五 載 復 構 墨 妙 軒 於 上 玉 璽 行 間 以 加 儲

萬壽山之惠山園再出前人書自唐褚遂良以下若而  
人彙行草各體刻石於兩壁間凡犁爲四册合之三希  
堂帖於是燦然稱大備矣昔宋太宗刻淳化帖今所傳  
秘閣官本已不多見然議者謂標識多誤淳熙脩內司

裘文達公文集

卷之四

七

本則秘閣續帖也或又譏其麤硬少風韻良由鑒別未  
真故決擇無當非盡摹勒之不善也我 朝 御 刻 今 御 刻  
皇上萬幾之餘無他嗜好惟書史是娛拂楮杼豪乃至  
帳殿氈廬未嘗稍輟精能之至直造二王龍跳虎臥之  
奇鳳翥鸞翔之妙雲生紙上玉蘊行間以

天縱之多能宏藝林之盛軌範圍八法陶鑄百家曩  
所聚訟紛挐眞贋莫定者咸予以

折衷加之題品今茲所揭視太清大觀不啻倍屣過之  
凡昔賢睿線斷素其光耀鬱而未著者發其精英俾得

宸賞以流傳不朽卽操觚握管之士未得仰窺  
册府珍藏獲觀揚本亦足以溯淵源於墨海擷華藻於  
文苑儻由是而更求之柳公權心正筆正之說推之  
願卽此是學之旨以無負我

皇上嘉會天下後世之至意則器也而進於道矣臣等  
叨與編摩快夫先觀慶幸之至彌覺惕焉加勉乾隆二  
十年乙亥春三月恭跋

聚文達公文集

卷之四

跋

十三

我

皇上萬幾餘暇惟怡情於卷軸上下千古陶鎔萬彙悉於詩見之乾隆丙戌春仲停

蹕於靜寄山莊甫三日得六十有八首而途次前後所作不與焉此自古詩人所未有也盤山秀甲寰宇爲

翠華屢至之區興雲出雨吐納景光朝暮千變

天象每一杼寫遂使水木增華烟嵐益氣化機之呈露日新月盛亦層見疊出而不窮至於

宸襟所會八荒之大庶績之多卽事隨時均入歌詠而

襲文達公文集

卷之四

十四

墨餘所瀋物無遁形此則籠萬象於豪端役三光於指下更非絺章繪句之士所能仰窺萬一者矣臣以侍直內廷得於迎

鑾後捧觀雜誦誠忻誠服不能自已輒敬錄一通裝池成冊而以舊藏張鵬翀盤山圖張照書韓愈盤谷詩附於末幅惟是臣書拙陋僅抵抄胥握管之餘曷勝悚慙

敬跋

御製麋角解說恭跋

月令仲夏之月鹿角解仲冬之月麋角解經生家蹈常習故以爲鹿山獸麋澤獸而已無復能致問者讀壬午歲

御製鹿角記始知麋鹿皆解角於仲夏而莫知月令所云麋者爲何獸歲在丁亥值一陽之來復徵庶類於芸

臺上因疑考信昭然共證爰

作是說臣等奉誦再四竊自笑嚮者讀書之函莽局於戶牖乃至不能識其物名其狀非

裘文達公文集卷之四跋

七

天語指示不幾於夢夢畢生耶至于文章之妙弗假雕飾動合自然則說之體裁固當如是次日臣等趨侍直廬復得讀

御製人字柳賦則又前一夕

上所走筆立成者徐庾之妍麗歐蘇之疎散兼而有之而俯仰今昔一唱三歎幾於化工之筆臣等歡喜讚誦得所未有伏讀之餘爭相傳寫至於口沫手胼臣竊附抄胥敬書於册并跋

經筵御論恭跋

臣竊惟千古言心肇自堯舜相傳危微之旨皋陶其見知也至夫子之道獨傳曾氏而約其用於忠恕兩言盡已爲忠盡已心也推已爲恕推已心也虞廷十六字孔門一貫語不同而意合符節臣恭繹

御論兩篇盡絜矩之道於忠恕納萬幾於一心蓋心之發爲幾幾之用爲忠恕忠恕之極爲絜矩直舉堯舜至於孔子帝王君師之道統治法渾爲一理萃於一言而御製詩一章引伸推闡涵泳不盡惟德盛而功隆故理明而辭達其斯集典謨風雅之成而入廣大精微之域

裴文達公文集

卷之四

跋

十六

者矣臣昨歲蒙

恩進講茲復幸執經

黼座之側自媿理解膚淺無所闡明及仰聆

聖訓之下啓蒙發覆使蠢愚之懷恍然開曠覺朱蔡傳註說理之言俱未能見及萬一歡喜蹈詠之私莫可名喻敬錄一通以識欣幸恭跋

臣竊惟千古言心肇自堯舜相傳危微之旨皋陶其見知也至夫子之道獨傳曾氏而約其用於忠恕兩言盡已爲忠盡已心也推已爲恕推已心也虞廷十六字孔門一貫語不同而意合符節臣恭繹御論兩篇盡絜矩之道於忠恕納萬幾於一心蓋心之發爲幾幾之用爲忠恕忠恕之極爲絜矩直舉堯舜至於孔子帝王君師之道統治法渾爲一理萃於一言而御製詩一章引伸推闡涵泳不盡惟德盛而功隆故理明而辭達其斯集典謨風雅之成而入廣大精微之域裴文達公文集卷之四跋十六者矣臣昨歲蒙恩進講茲復幸執經黼座之側自媿理解膚淺無所闡明及仰聆聖訓之下啓蒙發覆使蠢愚之懷恍然開曠覺朱蔡傳註說理之言俱未能見及萬一歡喜蹈詠之私莫可名喻敬錄一通以識欣幸恭跋

附是以君子有絜矩之道也 進講章

此曾子釋平天下在治其國一章而推極於上作下應非強而致之也以爲人同此心在舉此心如諸彼而已一人之心卽千萬人之心千萬人之心卽一人之心是以君子因之而類其情則借喻於矩焉對照參觀而尺度不爽更有取於絜矩焉知明處當而曲折無遺蓋老老長長恤孤者君子原在矩之中而卽能使人興起於孝弟且不倍焉人亦莫能出矩之外此所以不下堂階而臻天下於上理道在是也 臣因是而繹之自古聖人範圍天地之化而不過曲成萬物而不遺謂之爲範圍

裘文達公文集

卷之四

講章

七

謂之爲曲成皆矩也皆絜矩之道也夫是以從欲而治天下雖大措之裕如也仰惟我

皇上執中建極握要圖幾固已進舉世於乂安而登斯

民於仁壽 臣愚更願

至誠不息

大德無爲叅之兩大而同放之四海皆準俾羣生庶類盡入甄陶則異域殊陬咸歸律度矣

御製鬪鹿賦跋

伏覩我

皇上以幾暇寸陰製爲此賦屬藁將半卽辭其闕

宣付臣鈔書未竟餘幅復聯翩下授簡之次幾於毫弗

及濡而

研朱涌泉不加點乙信乎

天文燦列氣運象成神妙端倪固非凡庸耳目所能擬

議也旣乃伏誦至再涵味循環益復愕眙蹈抃莫可名

喻因敬惟曩者

御製前後哨鹿二賦體物析情囊括理要竊謂極宇宙

裘文達公文集

卷之四

賦

天

之大觀矣茲復推原事始以鬪鹿命篇體之愈致其奇

析之愈窮其變彷彿枝梧齎格之狀奔駭於石嶢林翳

間者躍然紙上臣匪惟見無從見實乃聞所未聞方且

快先覩而矜新得佩服不遑乃蒙

皇上推善誘之教

命臣賡賦臣自忖燕陋鋪揚摩揣力詘於心矧

日月出而燭火熄臣又何能復耿螢照哉雖然景岱嵩

者纖壤亦欲附其峻望河海者涓涔猶思循其瀾臣口

沫難罄願竭手胝謹錄小冊上塵

乙覽以志臣區區盛藻靡已之忱仰臣祇聆

溫諭云

聖祖嘗於巴顏穆敦哨鹿見二鹿鬪一少卻

發神銳殪之其一以爲屈於角力也益挺而進

再發再殪之是則鬻觸妄逞自湊

霆擊非僅卞莊伺隙所可同日語也臣既欽我

皇上繩武合揆以述

前聞臣因得少擴知識敬記簡末用抒欣幸云

袁文達公文集

卷之四

跋

九



商開和國於少海賦滿滿晴爾未用計和幸云  
皇正錄友合於以旅

公翠未歸才蘇同朝河西回日請出時鴻趁拜  
再發再殪之是則鬻觸妄逞自湊

公卿後益文其一以爲屈於角力也益挺而進  
聖祖嘗於巴顏穆敦哨鹿見二鹿鬪一少卻

御製詩二十四品圖恭跋

臣以菰蘆末學侍直

禁廷沐浴

聖涯用資探討竊見

皇上縱筆飛文動盈卷軸進而彌上多迺益工盥手莊  
誦之餘欲以片語單詞形容擬議而引吭振羽難鼓太  
和刻葉鏤花莫名造化竊見唐司空圖二十四品之作  
斟酌衆製錯落華詞括氣象於風騷包規模於吟詠攷  
厥指歸符諸

御製理惟一貫義則同揆

臣

又惟聲詩之道與繪事相

襲文達公文集

卷之四

跋

三

通古之善言詩者謂詩中有畫用是詳其品目副以丹  
青使情與景傳目隨心會按圖可索卽事堪稽列在菀  
林標於文苑亦盛世之美談而詞臣簪筆之職分也且  
夫踞太華之巔衆山識祖挹崑崙之脈萬派匯源二十  
四篇冠冕攸昭津梁在是是固六義之統宗羣言之橐  
籥矣粵惟伊古帝王以詩著者帝庸作歌尙已次則大  
風猛士雄表千秋瓠子橫汾調高西漢至於唐之太宗  
篇什稍富賦詠爲多然而體多獨勝才眇衆長稱工一  
端妙鮮該備若夫學士大夫操觚染翰建安所錄下逮  
齊梁有唐百家燦然具在顏謝但得其孤高庾徐僅稱

夫流麗沈宋止嫻於聲律楊盧徒取乎辭華卽以杜聖  
李仙獨高壇坵尙乃沈雄曠逸兩不能兼大歷而還尤  
難指數然則雲霞設色逾於積玉之峰誦經振音和於  
吹律之琤寶示後世欽爲典常於

聖作蓋無能稍爲髣髴者臣乃得身依

册府與於見知之列藉客卿子墨以致其歡喜讚歎之  
忱而傳之末末圖成附名其末蓋不勝媿且幸焉爰拜  
手稽首而爲之跋

袁文達公文集

卷之四跋

三

御定觀文叢玉印册恭跋

古器貽畱至今者什不得一二而淵源制度端賴文字以傳璽之制起於上古自秦漢以下率有私印用以記姓名識封爵繆篆所由來也內府舊藏玉章經

皇上鑒定者不下數十百方茲復類集篆文印鈕與秦漢印統合者凡四十枚

命臣等音釋字義敬跋於後臣等知識淺陋不能詳攷

古文大小篆籀之遺制顧以印統所載鈕鼻之屬秦稽之悉皆符契而封號爵秩往往可覆按姓名類彪炳簡册者其吉語訓詞多出於鐘鼎彝器煌煌乎大觀矣仰

裘文達公文集

卷之四

三

惟我

皇上稽古右文於一名一器製出古先者類躋流融前錫以品題寵之翰墨

御製漢玉圖章歌籠罩古今駕韓蘇石鼓詩而土之今

此册復得附

宸藻以不朽斯固菽林之盛軌也後有王厚之趙孟頫

其人排次印譜其必以茲册爲冠冕矣恭跋

以書璽之圖跋於上古自秦漢以下率有私印用以

古器韻圖至今皆不持一二而淵源制度端賴文字

御定觀文叢玉印册恭跋

張文敏公臨蘇帖跋尾

國朝書法余所及見者雲間繹堂不越思翁矩範虛舟  
筆筆唐人然字中無字香泉醜怪風斯下矣汪退谷先  
生脫胎於褚而融筋化骨乃絕不乞靈摹搨後得涇南  
司寇逸氣鼓盪天馬不羈此幅臨蘇尤其得意者不知  
視退谷何如如前數公則有其過之更無不及葯林民  
部書學退谷而最善涇南請以予言相質當不至逕庭  
也乾隆丙寅除夕前十日題尾

裴文達公文集

卷之四

跋

三

張文敏公臨蘇帖跋尾  
國朝書法余所及見者雲間繹堂不越思翁矩範虛舟  
筆筆唐人然字中無字香泉醜怪風斯下矣汪退谷先  
生脫胎於褚而融筋化骨乃絕不乞靈摹搨後得涇南  
司寇逸氣鼓盪天馬不羈此幅臨蘇尤其得意者不知  
視退谷何如如前數公則有其過之更無不及葯林民  
部書學退谷而最善涇南請以予言相質當不至逕庭  
也乾隆丙寅除夕前十日題尾

奉

勅題漢未央宮北溫室殿瓦硯銘

漢室旣成未央是營溫室深闕萬瓦鱗次越數千年瓦  
猶獲全登之文囿用爲硯田製自工師珍同圭璧物無  
棄材視此遺甃

裴文達公文集

卷之四 銘

十四

東林源北殿甃

餘甃全登之文囿用爲硯田製自工師珍同圭璧物無  
棄材視此遺甃  
陳獻黃未央宮北溫室殿瓦硯銘

奉

奉

勅題漢銅雀瓦硯銘

昔以成臺徵歌貯舞茲以臨池研今詠古遙遙千載物  
換星移片瓦何知惟所用之

袁文達公文集

卷之四

銘

五

與星遊汎瓦回照鮮世用之

昔以成臺燿燿報舞茲以臨池研今詠古遙遙千載物  
換星移片瓦何知惟所用之

奉

奉

勅題漢銅雀瓦祝銘

割據空歌舞寂弔荒基得遺甕始摩抄繼瀚滌召工師  
慎脩飾良材呈嘉名錫侶中山客子墨堪爲朋用比德  
芸閣中縹囊側更千年末無極

裴文達公文集

卷之四

第

五

其閣中縹囊側更千年末無極

其閣中縹囊側更千年末無極

其閣中縹囊側更千年末無極

其閣中縹囊側更千年末無極

斷碑硯銘

斷碑硯宋熙寧四年蘇文忠公爲孫吳興作墨妙亭詩  
石刻也不知毀於何時王文成公何自得之用以爲硯  
存字凡十二其面作分書曰陽明山人曰守仁蓋文成  
自識左方曰驛丞署尾硯則明正德元年文成謫貴州  
龍場驛時也端溪片石附兩公遺蹟以傳迄今且七百  
餘年矣古澤寒光對之肅然起敬尚友者宜有取焉不  
獨几席之供而已旣爲之贊復銘於其匣曰塊然一石  
琢之磨之東坡取之泐字陽明用以臨池吾於東坡不  
重其經濟而愛其文章之達吾於陽明不宗其學術而  
慕文達公文集卷之四 銘 三七

歎其功業之奇於戲每一援筆悠悠我思

